

1331

C O D I C E S

1332

tor *Kuedip.* Abintestatus *Ane se-
le gerete.* Aucupium *Vogilwerk.*
Alietus *stutar.* Bubo *Haw.* Sage-
na *Wate.* Remex *Stewir.* Am-
bra *Walrat.* Alota *Quappe ader
alruppe.* Bos *Varre.* Hinnulus
Hindenkalp ader Junchirs. Ver-
vex *Rammil ader per.* Aluear
Benstok ader beunte. Afilus *We-
spe, Horle, Homyl.* Bombix
Seydinspinne. Cynamomus *Cyn-
nehom.* Cornum *Haynbottin.* Ab-
glomerare *Abereyfen.* Abliguri-
re *Lassin ader sturben &c.* Ad cal-
cem: *Finitus est hic liber anno do-
mini M° CCCC° II° feria III.
ante festum corporis christi. Wenc.
Rossius Pressorovinus multis locis
Codicem nomine suo consignavit.*

CCCXLII.

208 Codex chartaceus lat. Sec.
XV. Folior. 223. f. partim 2.
columnis, partim lineis longis
exaratus sequentia complectitur.
I. Partem scholasticae cujusdam
Commentationis de *Origine Vi-
tiorum*, quae incipit: *Jam ulte-
rius prosequendo originem vitio-
rum ex intellectuali cognitione uel
consideracione videndum est nunc
de ortu auaricie ex radice illa &c.*
Non tamen Avaritia sola Autori
anonymo paginam facit, sed ad
Providentiam Dei, ad Sortilegia
expatiatur. Sana illum sentire,
vel ex hoc loco p. 42. colligas:
*Nonnulli se aliquid de spiritu pro-
pheticie habere presumentes ut ab-
bas Joachim et aliqui moderniores,
de quibus et bodie aliqui sunt, stul-
te et reprehensibiliter nimis soli-*

*citi fuerunt de determinatione se-
culi, ita ut aduentum magni anti-
christi ante finem sex annorum uel
circa complendum fatue expectent
&c.* Manca est haec Tractatio et
in haec verba definit: *Nec omnis
effectus causarum naturalium ut
ignis — — —*

II. fol. 100. incipiunt Opu-
scula quaedam *Nicolai de Cle-
mangis* rectius *Clamengis Campa-
ni*, qui vir Reformationis disci-
plinae Ecclesiasticae studiosissimus
in Navarraeo *Parisis* Collegio
post an. 1434. decessit, et pri-
mo quidem, ut fert inscriptio:
*Liber de filio prodigo per Nico-
laum de Clamengijs Cantorem Ba-
iocensem compositus*, qui incipit:
*Audite o penitentes sermonem de
fratre vestro &c.* extatque post
edit. *Paris. 1521. 4. in T. VIII.
Bibl. PP. Marg. de la Bigne. Pa-
ris. 1576. p. 599. f. et inter Au-
toris Opera omnia, quae Lugdu-
ni Batav. 1613. 4. edidit Job.
Martini Lydius, p. 109.* Ad
hanc porro editionem et subse-
quentia exigentur.

III. fol. 109. p. 2. Incipiunt
*Epistole per nicolaum de Clamen-
gij sub nomine uniuersitatis Stu-
dij parisiensis compositae, quae pri-
ma illius fuerunt opuscula. Prima
ad karolum sextum Regem ffran-
corum de tribus vijs pro scisma-
tis (inter Clementem VII. Bene-
dictum XIII. et Gregorium XII.)
sedacione per dictam uniuersitatem
memorato regi presentatis. Ini-
tium: Christianissimo ac religionis
orthodoxe zelantissimo principi &c.
deuota suae celsitudinis filia uniuers-
fitas*

1333

DOGMATICI.

1334

fitas parisiens. &c. Quamquam maiorum nostrorum &c. Extat, non tamen sine lectionis varietate, in Dacherii Spicil. T. VI. p. 81. et Bulaei Hist. Univ. Paris. T. IV. p. 687. Defuit Lydio.

IV. fol. 120. *Secunda Epistola ad dominum Clementem septimum Romanum pontificem trium superiorum viarum insinuatua ad ecclesiasticamque pacem hortatiua ubi etiam de turbatoribus fit conquestio. Initium: Coegit nos tandem pater beatissime christi fides. coegit christiane religionis sincera deuotio. coegit non ultra toleranda luctuose pestis scismaticae diurnitas &c. Ex quo solo principio vides, quam abeat lectio ab exemplo Dacherii T. cit. p. 109. et Bulaei T. cit. p. 699.*

V. fol. 121. p. 2. *Tercia Epistola ad eundem dominum clementem in qua apud eum fit conquestio quod Epistolam superiorem venenosam vocauerit. Incipit: Paucis abhinc pater beatissime diebus exactis nobis in mentem venerat &c. et legitur Bulaei T. cit. p. 701. sed phrasi pluribus in locis non parum diversa.*

VI. fol. 123. p. 2. *Quarta Epistola ad Capitula Cathedralium ecclesiarum regni franciae in qua ad pacem ecclesiae cum ipsa vniuersitate procurandam admonentur et ad publicas preces et processiones super hoc agendas. Initium: Iustum erat Venerabiles domini fratresque in christo carissimi ut quos benigna mater ecclesia suo sinu fouerat &c. Bulaei T. cit. p. 712.*

Denis Codd. Theol. V. I. P. II.

VII. fol. 124. p. 2. *Quinta Epistola ad magistros et doctores Studij Colonien. in qua ad eorum respondet Vniuersitas parisiens. Initium: Litteras magistri venerabiles vestra nobis ex parte directas &c. Dacherii T. cit. p. 104. Bulaei T. cit. p. 704.*

VIII. fol. 125. p. 2. *Sexta Epistola ad collegium Cardinalium post nunciatam mortem domini Clementis transmissa in qua rogantur ut a noua supersedeant electione donec sit alterius partis voluntas explorata. Initium: Etsi firmam reuerendissimi patres animo spem ante conceperamus &c. Dacherii T. cit. p. 106. Bulaei T. cit. p. 711.*

IX. fol. 127. *Septima Epistola ad Johannem regem Aragonie responsoria ad eius literas cum gratiarum accione et ad constanter pro vnione laborandum cohortatoria. Incipit: Gratissimas regalis magnificencie vestre princeps serenissime literas &c. Bulaei T. cit. p. 719.*

X. fol. 128. *Octaua Epistola ad dominum Benedictum tertium-decimum ad Romani pontificatus apicem recenter electum ad vigilantanter pro ecclesiastica vnione laborandum vebementer exhortans. Incipit: Quamquam pater beatissime quum ad nos primum perlata fuit romani pontificatus vacacio &c. Bulaei. T. cit. p. 713.*

XI. fol. 130. *Nona Epistola ad eundem benedictum de commendatione atque extollencia vie cessionis voluntarie super vniuersas alias multis ex causis ac radicibus*

I

non

non alias vias improbando alias oblatas sed facto atque executione difficiles ostendendo. Incipit: Sanctissimo in christo domino Benedicto &c. Deuota sue beatitudinis filia vniuersitas studij parisien. &c. Quoniam pater beatissime ante aliquot menses vestro adhuc antecessore in humanis agente ad abolendum scisma nequissimum &c. *Bulaei T. cit. p. 740.*

Ad calcem nobis additur: *Expliciunt Epistole per N. de Clamengijs sub nomine Vniuersitatis parisien. circa materiam ecclesiastice vnionis edite.* Absunt omnes ab editione *Lydii*, quamvis p. 191. earum textat elenchum. Eundem textit et *Job. Lau-nojus* in *Acad. Paris. illustr. p. 578.* ineditas reputans, quod mirum, cum *Caes. Egassius Bulaeus* 14. annis ante suae illas *Historiae* inferuerit, ut vidimus. Illud iterum monendum, eas in praesenti *Cod.* frequentissime abire a *Bulaei* et *Dacherii* dictione, diligenterque inspiciendas ab eo, qui olim *Nicolai Clamengii* lucubrationibus, verius ac *Lydius*, inscribere voluerit: *Opera Omnia.*

XII. fol. 140. p. 2. Incipit tractatus brevis contra prelatos simoniacos. Initium: *Multa mihi in presulibus nostris hodiernis &c.* Legitur Philippica haec *Clamengii* nostri in *Bibl. PP. Marg. de la Bigne T. VIII. Paris. 1576. p. 650.* et in edit. *Lydii*, qui eam ad *Job. Gersonem* scriptam adserit, p. 160. Ad calcem: *Expliciunt tractatulus compendiosus de sta-*

tu cleri et prelatorum temporum hodiernorum.

XIII. fol. 144. p. 2. Incipit Sermo N. de Clamengijs de Innocentibus. Initium: *Nota est tyranni herodis. nolo enim regem dicere nepharia atque tragica crudelitas &c.* Finis: *cuius nos et vos cum vestra prole benedicta confessores efficiat ihesus christus dominus noster, qui cum patre &c.* Inter inedita *Clamengii* recensetur a *Launojo* suprac. p. 579.

XIV. fol. 147. p. 2. Ejusdem Orationes X. quarum *Prima*, quae incipit: *Deus deus respice in me &c.* et *Secunda: Erravit domine ouis misera &c.* nullum certum finem habent; reliquae *Octo* *Horis* *Canonicis* praemittendae sunt. Earum initia habes apud *Launorum* in elencho ineditorum p. 579. *Lydius* eas ignoravit. Ad calcem in *Cod. nostro: Expliciunt quedam breuia opuscula Nicolai de Clamengijs Cantoris Baiocensis.*

XV. fol. 152. p. 2. Incipit liber N. de clamengijs de nouis festiuitatibus. Initium: *Non puto conueniens esse &c.* Extat T. VIII. *Bibl. PP. Marg. de la Bigne Paris. 1576. p. 633.* et apud *Lydium* p. 143.

XVI. fol. 165. Incipit liber de Studio Theologico Nicolai de Clamengijs. Initium: *Non fuit animus vir disertus, quando ad tuam ante aliquanta tempora caritatem &c.* Edidit *Dacherius T. VII. Spicil. p. 138.* atque scriptum ad *Jobannem de Pedemontio* Baccalar. in Theologia. *Lydius* ignoravit.

1337

D O G M A T I C I.

1338

XVII. fol. 177. *Incipit liber de prosperitate aduersitatis Nicolai de Clamengijs.* Initium: *Cum maxime predicatoris officium sit* &c. Post editionem *Parif.* 1521. 4. comparet in *Bibl. PP. fuprac.* p. 622. et apud *Lydium* p. 132.

XVIII. fol. 185. *Hugo de Oratione.* Initium: *Quo studio et quo affectu a nobis orandus fit Deus* &c. Finis: *Et gratissimum deo sacrificium in ara cordis adoleatur.* Opusculum istud in edit. *Opp. Hugonis a S. Victore Rothom.* 1648. f. extat in *Capita VIII.* diuisum T. II. p. 238. cum *Prologo*, quo *Codex* noster caret.

XIX. fol. 190. p. 2. *Elenchus Casuum Excommunicationis latae Sententiae ex Summa*, ut dicitur, *Hostiensis* et *toto Corpore Juris* excerptus.

XX. fol. 196. *Sermo magistri Nycolay de Orem ad Papam et ad Cardinales.* In illud *Is. C. 56.* *Juxta est salus mea ut veniat* &c. Initium: *Secundum sententiam Apostoli ad Ro. 2. et 3. et pluribus locis* &c. Ad calcem: *Explicit sermo magistri Nycolai Orem (Horem, Oresme, Oresmii) factus coram papa et suis Cardinalibus In vigilia natiuitatis Domini que fuit quarta Dominica aduentus Domini Anno M^o CCC^o LXIII^o. Pontificis Vr bani pape quinti anno secundo.* Quod corruptos Cleri mores et abusus in Ecclesia perstringeret, editus a *Fl. Illyrico* in *Cat. Test. Verit.* edit. primae p. 878. a *Job. Wolfio* T. I. *Leß. memorab.* p. 648. et sepa-

ratim a *Salom. Gesnero Witeb.* 1604. 4. ubi tamen erronee in titulo habitus dicitur 1346.

XXI. fol. 205. *Cur Deus homo Gwilbellmi Parisien.* Distinguendum Opusculum ab eo, quod inter *Anselmi Cantuar.* Opera eodem titulo visitur. Nostrium incipit: *Ponam ad hoc quatuor radices virtutis nostre appetitiue Interioris errorem* &c. Exactum ad edit. *Parisinam Opp. Guilelmi* 1516. f. *Vol. II. fol. 73.* deficit in illis col. 15. verbis: *ex quo per locum a proportione sequitur* —. Quibus librarius noster subjecit: *De libro Cur deus homo magistri wilbelmi Parisien. plura non deueniunt ad manus meas, de quibus habuiffem locum copiandi.* *Guilelmi dicti Parisini* non parum negotii facessivere Bibliographis. Noster *Arvernus* ortu Ecclesiae *Parisinae* ab an. 1228. ad 1249. praefuit. Vide de eo post alios *Fabricium Bibl. med. et inf. Lat.* L. 7. et *Hambergerum* P. IV. p. 384. ubi et plures ejus Operum Editiones memorantur.

XXII. fol. 216. *Materia de casibus excommunicationis edita per Magistrum Thomam (Ebendorfer) de Haselpach.* Incipit: *Saluator noster Mat. 18. cum dixisset collegio sanctorum apostolorum* &c. Ad calcem: *In die cene denunciatio edita per Egregium doctorem sacre Theologie et reuerendissimum magistrum Thomam de haselpach pro tunc existentem plebanum in perchtoldsdorff Anno domini M^o CCCC^o XL4^o.* Viri hujus de *Academia Vindob.* optime

1339

I C O D I C E S

1340

me meriti vitam, quam ad an. 1464. produxit, et opera habes in *Scriptt. Univ. Vien.* P. I. p. 139. ubi et Scripti nostri ex *Cod. Mellicensi* fit mentio.

Thecae anteriori praesentis intus adscriptum legitur: *Hunc librum testatus Monasterio s. dorothee in wienna egregius doctor sacre Theologie et arcium Magister narcissus hercz de perching cuius anima requiescat in pace qui fuit specialis fautor monasterij.* Fuit *Narcissus* ab anno 1418. quater Philosophiae Decanus, anno 1423 et 31. totam Academiam rexit, et ad D. *Stephani* Canonicus diem claudit a. 1442. Unde liquet, Opusculum *Haselbachii* Codici ferius inscriptum fuisse.

CCCXLIII.

196 Codex chartaceus lat. Sec. XV. Folior. 124. f. per duas columnas a diversis scriptus et olim ad *Conventum Vienn. Fratrum Praed.* pertinens continet sequentia: I. *Incipit Tractatus de actibus elicitis et imperatis de lecturis fratris leonardi de ualle brixinensi ordinis predicatorum.* Orditur: *Prima inquisitio. Que sit voluntas deliberatiua uel deliberata &c.* De *Leonardo* hoc, ejusque opusculis, agit *Quetifus* in *Scriptt. O. P. T. I.* p. 816. et 843. T. II. p. 823. sed, quod jam de *Valle Brixinensi* (Brixenthal in *Tyroli*) jam de *Vienna* dictum inueniret, immerito in duos secat. Congerenda itaque in *Unum* sunt Scrip-

ta, quae ex *Lambecio* adfert, quaeque suo loco etiam hic recensentur. Clarebat vero *Leonardus* hic in *Coenobio* et *Academia Vienn.* post Sec. XV. medium. Plura ad *Cod. DLXXXVI.* et seqq.

II. fol. 19. *Incipit Prologus in librum de apibus.* Quem bonum uniuersale vocant. Reuerendo in christo patri fratri humberto magistro ordinis predicatorum Sacerdos humilis, cujus nomen ad praesens non urget necessitas nominari &c. *Thomas* is est de *Cantimprato*, vulgo *Cantipratanus*, in *Brabantia* natus, O. P. Sec. XIII. Scriptor, qui Opus istud de *Officio Praelatorum et Subditorum* piis fabellis pro aevi genio adpersum *Libris II.* circa an. 1261. exegit. Agunt de eo *Quetifus T. I.* p. 251. *Foppens Bibl. Belg. P. II.* p. 1131. *Fabric. Bibl. med. et inf. Lat. L.* 19. p. 247. Non tamen *Versionis Belgicae* meminere, quae teste *Gerdesio Floril. Libb. rar.* p. 45. et *Vissero* in *Naamlyst* f. *Catal.* Editt. in *Belgio* Sec. XV. factar. p. 26. lucem vidit *Zwollis per Petr. van Os* 1488. f. Codici nostro tantum inest *Liber I.* in cujus calce lego: *Sciunt Fratres carissimi Quod cum Liber de Apibus Rarus existens diu non poterat a nobis obtineri ad transcribendum propter quedam &c. Tandem tamen ad instantiam affectuosam fratris leonardi &c.* (ejus qui supra) *Dominus Magister Martinus abbas Scotorum benedictae memoriae procurauit nobis Exemplar secretius.*